

卷二十九

列女賢婦 貞女

烈女烈婦

卷三十

列女節婦

卷三十一

列女節婦

卷三十二

列女節婦 名媛

臨海縣志稿

第十七冊

臨海縣志稿卷之二十九

列女

賢母

宋

蔣至母張氏

至家居教授張年八十錄經典以助之祥符六年至舉德行授台助教詔賜其母帛府志

國子司業陳耆卿母姚氏

耆卿世儒家生理甚薄姚氏來歸田無三十畝老屋數間不任風雨姚氏一力

經紀左手嬰兒右手紡織下至米鹽靡密之事牽頓忘食夫性耽書口不道家無有無至於僅給實惟姚力夫即世耆卿病濱於死姚含淚摩挲卒得活姻黨咸稱之陳耆卿祭先妣文

明

張璵母汪氏

年二十七而寡三子幼弱門戶多故舅姑繼歿有欲奪其志以死自誓爲仇家誣所居宅爲官地屈贖百金始

得安堵而服御蕩廢室如懸磬矣已而再罹煨燼生計甚苦乃携諸孤託寓西溪母族紡績以供衣食待璵遊庠始歸城葺舊居次子玘三子玻繼亡而璵登科爲縣令宋補志料引霞山集

應明德母口氏

明德任秋曹時楊椒山正在獄染疫病提牢官曹某受時宰旨絕其醫藥危甚明德極力保護其母在家

聞之亦寄書謂楊公正人當加意保全故明德爲親檢湯藥說堂官出之外庫勿爲奸黨威禁所奏三台詩話

陳函輝母應氏

同知三槐妻也三槐早卒函輝猶未冠應課以遺經畫荻丸熊時時勉之力學性嚴毅每慮其遠出逸遊

輒禁不許函輝由是感激登進士授靖江令迎母就養無何罷歸自安家食南都立以少司馬職起函輝監河南軍應時已病強督之出乙酉卒於家魯王遣使弔問云孤忠遺稿

清

僉事洪若皋母董氏

年二十于歸卽善持門戶撫前室子及庶子如已出洪家政嚴肅董戢斂容事舅恭恪歷三

十年未嘗踰閭閻既舉四男一女悉自乳不僱婢嫗謂古人重胎教恐語言氣質習染難化也稍長丸熊佐讀終歲無倦容故若皋

成進士官僉事餘亦遊庠食餽嘗就養金陵官署訓若皋曰爲官方便人最易吾幼聞黔首家一事繫公門每至久不能判妻若子飢寒怨望汝今職錢穀糧役解戶隨到隨收隨發批迴卽此便是陰德居家方行善事三黨孤寒尤加意賑卹壽八十卒封宜人洪若皋先妣董太君行狀

進士何紘度母任氏

甯海人廬州知府大冶女端莊靜淑及歸何連舉四子曰有子萬事足子而不賢奚亢何氏宗

也訓子爲家第一務出就外傳不如特置家塾凡先生酒饌無大小皆親供之夜間篝火步督省察勤惰而訓諭之故長子酒饌無大進士餘亦列泮宮夫沒停柩於家遭耿逆變誓死守不欲去與諸子手同移僻處無慮乃避卒年七十一南沙文集何紘度任氏壽傳母

賢婦

宋

進士楊嗣參妻戴氏

黃巖南塘適安處士次女也性淑而敏既嬪嗣參和於琴瑟內治修謹事無細大綜理有

條奉舅姑惟孝處姻族惟睦歲時蘋藻躬致其潔隨官東西勉以清勤蓋賢內助也楊嗣參故安人墓誌

周洎妻王氏

臨川名家女也經史通習能文工詩既歸臨海周氏敬夫之學行奉命惟恐不至父母兄弟無間言及卒

母夫人痛惜曰吾賢婦誰當繼者惟其兄弟爲可故復室王氏葉適周公墓誌樓大防有詩輓之攻媿集

王夢龍妻趙氏

宗室女名汝議字履巽忘其貴樂爲貧士妻見桑而求蠶行田而學稼巷婆里嫂偶坐無忤色致翁族姆

卻立無情容葵糲瓠菹枯羸僅足而名人勝士邂逅集語輒重觴累組殷勤勸勞客驚喜不忍去其規慮深密以力自致必成夢龍爲士人之家葉適銘其墓水心集

林師箴妻金氏

行實婉夫嘗空嫁匱助之奉親餘則以觴客姑久疾舅幾喪明親煎藥餽食以供不解衣三載舅姑曰活

我無以報願汝生好子長壽子表民幼卽向學金卒於紹定戊子壽八十其言果信陳耆卿林君墓誌

明

宋伯修妻沈氏

伯修業儒有文行沈氏事之甚謹養舅姑極溫清之宜家故優裕後遭兵火貧不自贍常紡績以自給食

或有佳味必藏以事舅姑姑命之食必辭舅姑其愛之年既壯連
產子輒殤有侍者未接於夫日謂夫曰人莫哀於無後君不可不
爲之計又慮侍者不諱其旨諷鄰嫗喻之及侍者有去志乃出之
沈氏年四十五終無子以死臨終謂其夫曰吾雖死目終不瞑俟
君再娶有子吾乃瞑目
耳王叔英宋婦沈氏傳

提學金賁亨妻張氏

賁亨成進士宦轍所至皆奉迎二親張氏朝夕
起居事滌穢不怠三子立愛立敬立相入仕以

幣上不納或附金爲壽藏諸笥久之封識宛然諸子幼時雖其憐
惜然時時督之稍長遣就外傳不令嬉戲蔬食布袍等於凡兒諸
女學習女紅不令情逸少子立常育於庶衣服飲食一體施之莫
知其所嫡也性不喜浮圖邀福事以飢寒困迫告者必卹之年八
十九卒金立敬

撰先妣行狀

尙書秦鳴雷妻趙氏

鳴雷爲伯父參政文後文卒其配楊夫人獨秉
家政以婦童年宜正其始凡臧獲稍違輒訶叱

之蓋寓規誨意趙婉曲順承楊以爲賢鳴雷讀書趙戒母數歸膏
炬膳饒之需脫簪珥佐之已則茹淡晏如鳴雷數奇試輒不利楊
虞以燕婉分心怒及趙趙自訟泣數行下伺間言曰姑望殷甚非
旦夕脫穎何以慰之鳴雷益淬厲果廷對首擢楊曰吾兒有今日

若功也鳴雷在京楊病趙侍湯藥親滌廁煖無難色病革有當
作來生婦以報語及卒棺殮悉遵禮制無遺憾焉三台閨範

尚書何寬妻俞氏

甯海人生有令儀父授內則列女傳諸書輒能心解尤善得父母歡故偃蹇其配時臨海何太宰寬

方補郡諸生才而貧父欲字而阻之者衆微令人叩以擇賞擇才
俞以擇才對遂館寬於貳室而婚焉寬雖居處衣食於俞俞無幾
微德色每夜讀輒爲拭几硯溫粥茗而已則織紉以待之迨領鄉
薦跪請歸何以事父母者移事其舅姑舅病備極醫禱經月不解
髡既卒傾奩以襄喪事戚里稱賢婦無間言後寬成進士授主事
出守成都姑汪以老艱於就養俞奉歸里邸代供子職者五年從
官湖廣閩中皆廉於取而居家待族黨則又好施不少
新享年七十封夫人詳潘季馴訓撰墓誌三台閨範

副使金立愛妻虞氏

庠生悅女侍郎賁亨冢婦也早失怙恃依諸父母以居及笄歸金恂恂循婦則大舅梧翁毫而

康每與語家政輒唯唯服行無一不當翁意及翁卒哀毀過情居
恆修女紅不樂暇逸每賓祭授之成式則率先諸婦頃刻而集
夫多以大義不效兒女子嘻嘻一夕浴一婢子始聞笑語聲舅侍
郎衣冠而獎之年僅三十四卒立愛痛悼弗置稱其才無敢自遂
其愛不溺其子其勤欲作無益其儉不吝於孤困其義不遺疏
下及雞毚庖宰亦爲惻然侍郎爲傳其賢行以勵諸家云一所集

陳朝謨妻林氏

全州守元口女元口寢疾林氏夙興夜寐一無怠容

嗣買妾從叔解元器夜夢先祖以一雛昇朝謨逾年妾果生子林

視如己出器嘆曰賢哉婦也婦不負吾宗天其負婦耶閱數歲林

金錫祚妻秦氏

名懋淑歸錫祚為立愛媳先是立愛妻虞氏有賢行

如勿及日勤女紅力中饋遇賓祭撰具務致典潔事後姑蔡曲意

承順務得歡心咸謂虞氏再世矣不壽卒叔立敬為題其旌曰淑

馮宗祥妻葛氏

宗祥以生事遠客江湖間動經歲月姑耄衰日調乳

宵不釋衣帶晝夜力女紅課耕作慶遠同知良亨翁姪也其少也

翁奇之令就外傳葛氏脫簪珥給廩餼不惜子四幼良念增廣生

當七秩初度羣擬晉壽觴葛氏弗許既又曰其飭衢路利行人不
愈於一身費哉遇饑困者賑之性嚴整不妄語笑諸子婦雖燕見
侍側惟謹族姻來謁者入門即生敬宗黨無間言享年
七十有口嘉靖甲辰卒金立敬馮安人葛氏墓誌銘

清

李舒華妻周氏

淑慎曉大義初舒華家巨富頗事奢華泊周歸見夫

則涸巨萬資草薶之其勢將盡獨不念祖宗創業之艱乎舒華悟乃始節儉家日以起舒華卒親綜家政教子義方姪損典資三萬愧無以彌其缺周命二子萼錕悉蠲之且給錢萬緡俾為業三台閨範

翟萬

乾亨

妻

何氏

夫捧檄於外妯娌侍翁姑病甚謹四十

成國安妻盧氏

黃巖漕運千總盧雷次女名彩鳳事翁姑至孝姑李氏病刲臂以療同治甲戌十月間事也三台閨範

楊國球妻葉氏

年十九適國球生子女各一俱殤家貧甚國球棄家謀食葉負薪易米以養翁姑數十年無怨言無怠容

人或謂爾夫久不歸或已死不如他適以圖溫飽則正色謝之嶠霞雜俎

孝女

後唐

賀氏二孝女

大英如小華如同乳而母卒父賀朔以不利棄之鄰嫗勸收同年十九多力工機杼長興二年八月一日父漁

溺於海二女與異母弟瑄號泣江濱求父屍不得前後俱投江死次日二女一弟手足相挽抱父屍而浮至三石山下距其父所溺處三百餘里人異之為收葬焉後每天日晦冥人復見二女遊巖洞中又嘗助人辨績因祠祀之商賈舟過其處必致祭周顯德及宋宣和時數顯靈異賜制褒美見戴齊良二娥傳瑄自有傳浙江通志府縣志

清

陳孝女

年二十三家貧養不繼每得米必炊以供父母母已恆忍飢父病篤侍奉湯藥不離左右既而曰家所仰活者父也女在

何用適以口食累父耳沐浴告天願以身代父果愈而孝女病作閱七月卒聞者哀之時光緒二十三年六月十一日也嶠霞雜俎

王蘭隱

奉養父母曲盡孝道並撫弟姪成人至老不嫁咸豐十年欽旌惜佚其里居

洪美珠

國學生洪某第三女寡言笑七歲即不茹葷長齋誦佛父卒昆季各自為炊女不忍離母為擇配輒謝曰高堂甘旨非女

不適終養可也竟不嫁年七十二卒光緒甲午徐學使旌以冰清玉潔

陳杏英

小名五妹，佻生陳宗撫女，終身不嫁，以養父母，定省五十餘年。里黨賢之，親沒葬，祭盡禮，與寡姊金氏同居，禮佛誦經，年

七十餘而卒

貞女

元

洪靜嫻

至治三年貢生達善女，未嫁夫死，父命往殮，畢歸，斷其髮誓

為天，未有天可易者。淑曰：姑能如是，願終身侍姑。遂寢食與俱。父母謂改適終不肯相與，績蔬置田十二畝，為贍老計。土人相傳為孝絲，塚卒後，子姓奉其田為祀，產至今祭祀不絕。洪志

明

馮光奴

葛坤聘妻，年十七未嫁。嘉靖戊午，海倭登岸，焚掠父良，攀授

扶大母陳入將軍山茂林中，會有導之者，為倭所獲，以手引女臂，女奪拳擊倭，罵曰：「便殺我，斷不從汝。」倭揮刀斷其右手，五指猶左

手提石擊之倭遂三斷其體陳得免倭退父收其屍面如生自首至踵無一血痕巡按御史上其事於朝賜敕書酒禮旌其門建坊

湧泉鳳橋之北洪志

張氏

居小雄寨石門村年十六嘉靖己未倭寇至張與其嫂朱氏攀崖而逃寇尾之至挂鐘巖絕壁數百丈相携投其下既死而手

不舍葬巖下建祀其上立石墓前題曰明朱張姑嫂雙節之墓後墓被樵採踐踏北有巖高丈許闊五尺康熙間忽大風雨移巖覆墳背而墳無恙

台郡識小錄

清

黃永謨女

生而失母父永謨偕繼母並早亡遣弟國俊甫三歲祖老病療飲食需人女時年十九遂誓志不嫁家故貧縫紉養

祖撫弟有周姓聞其賢來求婚女以祖老弟幼辭再三勸堅持不
可後祖以壽終女營葬如禮復爲弟授室年已四十三矣長壽俱
佛終老於家
同治志稿

陳氏

乾隆癸未進士彬女通經史父寄籍宛平許字毛侍御子未婚而夫亡奔喪守志數十年不逾閭宋大令世華採輯其事始播

其名于故里
光緒志稿

呂霜

宋忠穆公後裔未婚夫死家極貧誓不再字闢屋側曠地約二畝自耕以食天旱提甕汲水灌之穀果倍茂終日閉門機聲不絕

能作詩且工楷法其印以墨鈐之書爲宋廣文咸熙書一絕於便面云一年社日都忘却忽見庭前燕子飛禽鳥也知勤作室銜

泥帶得落花歸其時
近五旬矣耐冷譚

王氏

李公浩聘妻二十一未婚夫故王聞訃剪髮毀容赴公浩家撫前室子如己出守志以終嘉慶間旌表奉旨建坊於大汾鄉茶

亭橋側通
志徵訪冊

陳二姑

耀昌女舉動端莊將出字二姑泣然曰兒願終身事親不願嫁也指天自誓父母不得已聽之生平不事粧飾不苟言笑

不燒香不觀劇居喪泣血三年未嘗見齒嘉慶二十五年母舅病疫二姑將詣問疾先夕舅氏昏臥聞枕畔隱隱語曰明日貞女來

宜速避次日二姑至舅病若失貞德之格鬼神如此審至八十餘而終嶠霞維俎參采訪

盧二妹

朝鳴女及笄未字有惡少艷其色欲污之偪女於溷女力脫歸泣訴母是夜服毒死次日父鳴之官遂置惡少於法亦嘉

慶時事也
光緒志稿

徐氏

朱嘉濬聘妻未婚嘉濬死徐素服奔喪歸朱守志事翁姑盡孝翁納妾生一子代為教養授室愛諸姪如己出守節五十餘年

鄉黨賢之嘉慶戊午吳學使蘭具題旌表建坊黃沙
殿墓前某年大風拔木惟坊前後無恙云同治志稿

陳大姑

邑貢生陳淞姊也年十七父鶴亭遭疾不起以弟妹五人囑姑戒勿嫁姑諾之撒簪珥奉母有問名者輒涕泣謝母年八

十有三疾亟姑語人曰吾不忍見母之終夜半潛設香几籲天請代一婢侍側遣入視母袒衣封左臂肉未脫而暈絕婢出駭極負

入房稍甦戒勿聲強婢剪肉和藥進病尋愈姑沈
綿五日卒聞者哀之咸豐元年十月旌節孝錄

金氏

周汝裳聘妻未嫁而汝裳亡聞訃毀容矢志不再字在家侍親長齋終養守貞三十餘年道光二十三年旌表建坊葭芷同治

志稿

吳氏

劉式恭聘妻字秀英吳耀坤之女子歸日與至半途報壻病亟止勿行氏痛哭不可入門僅能成禮至夜而式恭卒吳誓死守

撫姪文梅為嗣文梅卒又撫孫成立年六十七歲卒以其
未成婚咸稱為姑表其為貞女也同治六年旌光緒志稿

毛貞女

維權女幼許字鄰村柯姓咸豐三年大水柯某為洪流漂沒

不得已就村內廢庵建堂曰報恩俾貞女

葉貞女

何成雅聘妻幼嫻女誠足不出戶未婚而成雅逝葉年十九

存也紡織自給縞素終身同治間學

李貞女

端莊純孝父蘭谷故母何氏素樸訥寡言環顧涕泣不知所

不貽堂上憂也持家井井無廢墜者有為議婚輒謝曰弟孱弱母
年老我嫁將焉托也嗣一弟二妹均成人貞女常勗以大義如宿
儒然妹于歸嫁奩豐備弟亦完婚閱歲餘弟又殞母以哀子逝貞
女瑩瑩顧影迸淚孤燈念不如死繼思父後莫延則又擇族子之
幼者承祧撫養教誨不遺餘力年至六十

徐氏二貞女

父母早喪兩弟幼貞女姊妹相誓撫弟延父後姊曾以

怒斥之曰果爾置兩弟於何地相與紡織供給律身之嚴至
老不懈後兩弟成立子孫繁衍二貞女力也通志徵訪冊

李貞女

未嫁而夫亡守貞不字老緒二十一年學使徐旌冰心玉操采訪

林鳳娥

王彥瑞聘妻生有至性將奠雁而彥瑞卒訃聞往撫其尸慟絕者再父丹陽救得甦壻家故貧有諷改適鳳娥誓以死守

諷者亦歎服光緒二十一年旌光緒志稿

洪錫存

郭文甫聘妻大令錫葬女明詩習禮勤女工有志節未婚而夫卒洪哀號欲絕誓不他適居母家守貞三十餘年舉止端肅足不踰戶里黨

肅足不踰戶里黨稱之嬌霞雜俎

周貞女

杜大梅聘妻大梅逝周慟哭幾絕請於父母誓不再字刺叙布裙數十年靜處閨中足不出戶采訪

李貞女

徐耀南聘妻未婚夫亡守志終身光緒二十五年建坊於海鄉巖嶼街

黃氏

陳成寬聘妻迎娶前一月成寬病卒黃聞訃欲奔喪不得屢自裁亦未遂斷髮毀膚父母知其志不可奪構小樓處之諷經數

十年如一日將終囑其兄正蒙曰妹死須計夫家得同穴吾目瞑矣通志徵訪冊

張氏

張桂庭聘室西鄉七里貞操承恩坊

金氏

周兆宸聘妻建坊海鄉葭芷

王氏

董金榜聘妻建坊海鄉葭芷

羅氏

妻仲彝聘妻

林貞女

未嫁夫故守貞不字建有冰心玉操坊

董貞女

父孟傑守貞不字建坊於下洋峙

蔡氏

宋允韶聘妻

唐氏

羅仁見聘妻

陳氏

唐人凱聘妻

金氏

王廷英聘妻

丁氏

陳鍾英聘妻

項氏

丁陳標聘妻

盧鍾女

張氏

蘇光渠聘妻

方氏

毛崇幹聘妻

葉氏

何仁賜聘妻

金氏

周汝秋聘妻

楊氏

陳堯華聘妻

王氏

柳青田聘妻

李士雲女

應氏

盧朝熬聘妻

馬氏

李祥庚聘妻